

Datum: 28.03.2022.

Broj: 24/22

Bosna i Hercegovina  
Federacija Bosne i Hercegovine  
PARLAMENT FEDERACIJE  
SARAJEVO

Primijeno: 28-03-2022			
Org. jed.	Broj	Priloga	Vrijednost
01-	02-	733	/17

Parlament Federacije Bosne i Hercegovine  
Predstavnički dom

Sarajevo 71000

N/R svim parlamentarnim zastupnicima

PREDMET: Zahtjev za razmatranje Prijedloga zakona o porezu na dohodak FBiH

Poštovani,

U ime Udruženja porodica s troje i više djece „Porodice tri plus“ izražavamo veliku zabrinutost zbog novog Prijedloga zakona o porezu na dohodak, a koji treba biti upućen u zakonsku regulativu.

U vremenu finasijskih izazova kao i demografske katastrofe u FBiH javlja se, nikada veća potreba za podrškom porodicama koje imaju djecu. Međutim, usvajanjem Prijedloga zakona o porezu na dohodak ukinula bi se podrška porodicama, dosadašnji pronatalitetni karakter i destimulisalo rađanje djece, jer u potpunosti podrazumijeva ukidanje olakšice za osobe koje imaju djecu stavljajući ih u podređen položaj u odnosu na osobe bez porodica. Također, novim zakonom se destimuliše i sklapanje brakova, pogotovo u situaciji gdje je jedan bračni drug nezaposlen.

Naime, novim prijedlogom zakona briše se Član 24. - koeficijenti odbitak za izdržavanog supružnika i za svako dijete, tako da je osnovica za porez sada ista za sve, tj. 800 KM. Pored toga, predloženim izmjenama Člana 12. stopa poreza je ista za sve tj. 13% umjesto 10%. Ovo znači da se ukidanjem koeficijenta ličnog odbitka za izdržavanje bračnog partnera i djece povećava iznos poreza i samim time umanjuje plata.

Zakon reguliše da se porez obračunava na teret zaposlenika, tako da u skladu sa predloženim izmjenama ovog Zakona otac čija je supruga na birou plaća isti porez kao neko ko nema ni jedno dijete i nije oženjen.

Naša zabrinutost se temelji na činjenici da radnik koji ne izdržava nijednog člana porodice i ima platu 1.500 KM će usvajanjem novog zakona imati prihod manji za svega 6,49 KM na mjesečnom nivou, tj. 77,88 KM na godišnjem nivou; dok će radnicima koji imaju jedno dijete to godišnje umanjeno biti više nego duplo, tj. 257,88 KM, za dvoje djece je razlika 509,99 KM, za troje 833,88 KM, dok će za četvero izdržavane djece plata biti za 1.157,88 KM manja na godišnjem nivou.

S obzirom na to da ovakav pristup predstavlja veliki finansijski udar na porodicu i vraća podršku natalitetu i zaštitu porodice nekoliko koraka unazad, molimo da poduzmete sve radnje kako do toga ne bi došlo. Osim toga potrebno je, da kao odgovorno tijelo ponudite rješenja koja bi još jače podržala porodice s djecom, pogotovo mlade.

Predlažemo da se u Zakonu ostave odredbe Člana 24. koji reguliše koeficijent odbitka za izdržavanje bračnog druga i djece, gdje se za bračnog druga i svako naredno dijete koeficijent odbitka uvećava, čime bi lični odbitak bio umanjen, a lični dohodak uvećan. Također, predloženo da se za porodice rezidente primjenjuje trenutna stopa 10% poreza umjesto predloženih 13%.

S poštovanjem,

Predsjednik Udruženja



Mustafa Vlahovljak